



Philister-Club

1926

D' Philisther, die hänn hitt dr Schlüssel
und Urlaub kriegt, drum sinn si do —
und fiehre jeh e fräche Rissel,
wie friehner d' Grütlianer scho!

Die Gilde het's zwor sider buzt
und s' „Züngle“ schynt's doch nyt g'nuht,
drum wird ihr' „Urlaub“ lenger go,
aß u n s e r e — he jo!

In d' Muschtermäb gehn d' Pfluttebegge,
— es het nit grad vnl Schwyzzer g'ha!
Derfir e mänge fremde Wegge
und au e mänge Grättima!

's het mängi Pflutte Pflutte fail;
dr Junker lauft sich au in Dail,
und — juschtemänd grad vom Ballet —
är dänggt: wär het, dä het!

D' Balutaraiser geschpängschtere, gaischte —
Wenn's doch emole-n-umkehrt lämt:
wenn doch Ain läm (es g'fiel de Maischte!)
und u n s e r i alte Ware nähmt!

Mir gäbte gärn dr Wieser ab,
dr Bau-Ch-Schärer und dr Rapp;
dr Wälti und de Bodema,
die kennt me gratis ha!

Will Aine gueti Sitte lehre,
so lueg er, daß 's bi ihm nit pfupft
und haig nit grad e beesi Schneere,
sunscht wird em halt dr Bart uusgrupft!

Wenn fliegt ächt bald in Sindepfuehl,
dä Waldeburger Pfarrerichtuehl?
Das Boxer-Schniffler-Pfaffe-Gnigg
wird uns Philisther z'digg!

Es wimmlet bald an alle-n-Orte
vo neije Schtaubsuugapparät;
grad epidemisch isch es worde,
die Reisende, die kemme z'zäht!

Oh läm doch Ain (er dät is Rot),
wo suuge dät im Grobe Rot
und all' das Blauderi-G'schmeis verschluggt,
wo sich do umme druggt!

Mit drei Soldate-n-ohni G'wändli
het d'Jury do d' Battrie versaut!
Wär het däm Kinschtler g'fiehrt in Händli,
aß är — Kaschtrate-n-ane baut?

Die Manne-n-ohni Bajonett
e Nachtbueb rot verschandelt het —
Wilicht het är dänggt im Vergäg:
A b n o r m s g'heer halt uf d'Näb!

An Konsumball fir zwanzig Rappe
goht Kind und Kaigel, Ma und Frau.
„In d'Muba gehn mer!“, sait dr Bappe,
„— denn y bi doch bim A. C. B.“

Fir das, was Ain do inne gseht,
fählt nur 's Plakätli: „Qualität“!
Denn: was de wotsch fir Härz und Hand,
das isch do bin-e-nand.

Die baide dunggle-n-Ehrenmänner,
die sage sich die greeschti Schand —
und nochhär läbe si, was wänn er,
wie frère et cochon mitenand!

Drum wird denn au, du lieby Jytt,
grad z' laid uus däm Prozähli nyt,
Im Bircher schtinggt's — und d'Schnyggge lacht —
so wird's „in Ornig“ g'macht!

